

hac pagina continetur. Si quis vero contra iustitiam dilectum nostrum Aretinum prepositum aut ecclesiam, cui modo deservit, in illis possessionibus, in quibus ei, ecclesie et fratribus suis restitutionem fecimus, de cetero molestare vel inquietare presumpserit, reus imperatorie maiestatis erit et in banno domni imperatoris positus centum libras auri purissimi pro pena componet, dimidium camere imperiali, dimidium vero predicto preposito atque ecclesie. Hanc autem restitutionem fecimus omni legitimo auxilio absentibus reservato et impensis ab eis omnibus prius integre restitutis. Ut autem dei virtute et imperiali auctoritate Aretine ecclesie et personis ad divinum cultum ibidem morantibus firma et inviolabiliter conservata permaneant^a et pravorum hominum rabies compescatur et raptoribus occasio mala faciendi et aliena rapiendi certa lege tollatur, precipimus venerabili Aretino episcopo, dilectis abbatibus sancte Flore et Campileonis, Aretinis consulibus, omnibus enumeratis, tam presentibus quam futuris, omnibus capitaneis, valvassoribus per civitatem Aretinam et comitatum Aretinum et episcopatum eiusdem constitutis per debitum fidelitatis, quam domno imperatori fecerunt, sub optentu imperialis gratie et sub pena centum librarum puri argenti, ut eas possessiones, quas Aretine ecclesie restituimus, ab omni persona et hominibus, ecclesiam Aretinam vel eius prepositum contra iustitiam molestare vel inquietare presumptibus, bona fide retinere adiuvent.

Datum apud Aritium 8. kal. Martii in domo Ugonis medici anno 1165, indictione 13, regnante domno Frederico Romanorum imperatore serenissimo, anno regni eius 12¹, imperii vero 10, feliciter, amen.

Reichskanzler Christian schreibt Genannten, dass ihm der Kaiser die Kirche von Arezzo, als seine und der Kaiserin besondere Kammer, auch besonders empfohlen habe; gebietet ihnen daher, das Domcapitel in der Behauptung der ihm erstatteten Güter nachdrücklichst zu unterstützen.

(1165 Februar 22, Arezzo.)

Crisianus^b dei gratia imperialis aule cancellarius dilectis suis Aretino episcopo, abbati sancte Flore, abbati Campileonis, consulibus Aretinis presentibus et futuris et

a) Scilicet *omnia ea* etc. b) Sic.

1) Vgl. S. 132 Anm. 1.